

蔣士銓原著
盧冀野校訂

紅雪樓逸稿

上海中華書局印行

序

余二姑母適鉛山蔣氏。姑丈紹白先生。心餘太史之曾孫也。以是
余兒時得讀忠雅堂詩文集。紅雪樓九種曲。心好四絃秋雜劇。既
肄業南雍。究心爨弄。知清曲之有太史。猶詩之有漁洋。竹垞。文之
有望溪。姬傳也。初紹白先生爲言。先太史所作曲不止九種。亦未
盡刊入茲編。庚從宦四方。久離鄉井。使他日言歸。當攜以示君。忽
忽十餘年。姑母與姑丈先後下世。每念前言。輒爲泫然。故不及料
太史之遺稿。余終能見之也。昨歲校曲涵芬樓。大內曲本頗多。祝
頌之篇。知太史舊有康衢樂。爲高宗南巡接駕作。世多鈔本。不知



3 0607 6129 7

47642

尚有廬山會一種。觀其詞藻。似獻與王氏者。而王氏又必江右人。太史桑梓之念甚殷。九種中曾有一片石。第二碑二劇。皆記婁妃事。又不知更有採樵圖。視二劇尤詳。而采石磯一本。作者隱以太白自寓。置諸前九種。有過無不及。余何幸而得摩挲太史手澤。燈窗點勘。不覺欣然自喜矣。惜乎紹白丈已作古人。不得一詢昔日之所言。果此三種否耳。竹莊蔣師遠道錄示。誼可感也。原本注明江鶴亭羅兩峯校正。今仍之。乙亥十月。廬前冀野父書於飲虹簃。

853.67
526
2

紅雪樓逸稿二種

廬山會

採樵圖

采石磯

紅雪樓逸稿一總目

二

一

廬山會

鉛山蔣士銓清

新安江

春鶴亭正詩

維揚羅聘兩峯校閱

采大匡君上。秋英已綻菊枝黃。仙院初焚壽字香。試看三星輝

朗處。紫薇花對紫薇郎。小仙廬山大匡君是也。今本山有古槐

三株。枝承雨露。配南國之甘棠。秀絕寰區。作西江之廣蔭。常有

慶雲籠罩其上。今日聞福祿壽三星齊來照臨。已曾約兄弟小

匡君同去一觀。敢則到來也。老生小匡君上。伯仲之間原洒



落神仙而外足遨遊。哥哥請行〔合〕

〔仙呂過曲〕〔醉扶歸〕參天材大皆梁棟。香柯古葉自葱龍。百尺依稀嶧山桐。豫樟白日翻風動。〔皂羅袍〕說甚東南竹箭枝。摩太空。絕勝徂徠松柏根。蟠臥龍雲烟中有神靈擁。〔排歌〕影罩午星正拱。朝陽鳴鳳正嚙嚙。〔下〕

〔五老白髮全冠錦披同行。白鹿啣芝隨上。〕

〔南呂過曲〕〔梁州新郞〕〔梁州序〕風標高嶺。鬚髯瀟灑。巍然天半相偕。肩隨如是。何須左拍洪崖。〔淨〕我等乃廬山五老是也。列兄你看。秋光濃郁。山翠空濛。前面雲霞變態。星彩光明。不知有何

祥瑞同向前山一觀何如〔衆〕使得恰好氣籠川岳光應星辰一
朵紅雲蓋高樓何處也紫薇開去問匡家兄弟來〔呀那邊天子
嶂下有古槐三株烟凝霧合佳氣非常〕〔賀新郎〕神仙事山靈解
聽笙鐘萬壑吹天籟〔本序尾〕烟霧底有人拜下〔小旦淡粧
仙扮上〕

〔懶畫眉〕懶與甄妃鬥明粧間聽潮音下馬當何曾輕易嫁彭郎
婀娜誰見凌波相堪笑詩人直恁狂峯巒爲髻月爲梳分領江天
是小姑鑿翠幾人開戶牖仙山樓閣易模糊小神乃彭蠡小姑
是也驅魚龍而引駕控鸞鶴以凌霞往來烟水之間游戲江山

之際。今日天闊波平。不免去約大姑。向匡廬一游。則個。

〔前腔〕螺黛青青鏡中央。若有人兮啓曲房。塔鈴風外語瑤瑤。則問蓮花誰替弓鞋樣。銀榜該題履道坊。下。旦大姑上。

〔前腔〕風滿靈旗自飛揚。葉葉輕帆下皖江。蛾眉新號水仙王。威儀莫道人無兩。嬌小憐他姊妹行。女兒港口小江神。羞煞人間妒婦津。生受江村兒女拜。大姑原是女兒身。我乃江神大姑便是。那邊小姑到來。須索迎他。〔小旦上〕鏡中雙影合。江上兩峯平。〔旦〕妹子何往。〔小旦〕江山清晏。人壽年豐。正該及時尋取佳勝。欲扳仙駕。向廬山一遊。〔旦〕如此便去。〔合〕

〔前腔〕敷淺高原翠帷張。九疊屏風三石梁。秋江如帶繫潯陽。捲
銀河倒掛青天上。〔旦〕你看那邊茂林中好熱鬧也。爲問羣仙底
事忙。〔外〕白髯黃蟒袍仙裝。背負葫蘆上。爲霖安衆望。出岫本無
心。兩仙稽首。〔旦〕仙師何來。〔外〕我乃明代老寧王。平生最愛
匡廬入山學道。自號曜仙。兩仙主何洞天。向未相識。〔旦〕小旦
我等乃大小孤山之神。偶然遊戲至此。敢問葫蘆中是何靈藥。
〔外〕此乃本山之六時雲氣。被我陸續收藏在內。每當風日清
美。孤峯生嘯。徐徐放之。聊以自娛耳。〔小旦〕前山異彩飄揚。不
有勝會。〔外〕此乃星聚三槐。非常之慶。小仙亦欲出彩雲擁護。

「目」原來如此同去一觀便了。「外」仙姑這雲呵。

「北梁州第七」映靈臺祥烟華旭。佐薇垣甘雨和風。可知道玉皇原愛紅光捧。裊金爐氤氲爲彩。護龍鱗上下相從。煥朝廷文章五色。紀官僚爵秩三公。合虹霓千門佳靄。鬥岩巒一帶奇峯。則見他出深山布護彌漫。倚青天飛揚洒落。離絳霄舒卷從容。登封獻頌。這飄颻未許神仙控。向人寰隨意湧。慰蒼生着眼江天雨露。濃人壽年豐。

「目小目下」

「內奏樂外揭葫蘆繞場放雲衆仙童持雲上遮

定場面內將三槐置場中。雲漸漸開。外領仙童舞雲下。」「末生

小生扮三星上

〔南仙呂〕〔忒忒令〕爛輝輝龍小射天。明顯顯星精同現。只這雲

嵐一幅是廬山真面。可愛他映芙蓉秀南天。那疎林際康王谷。水

晶簾乍捲。〔生〕我乃天福星君。〔小生〕我乃天祿星君。〔末〕我乃

長庚星君。這廬山真乃洞天福地。神仙窟宅也。〔生〕我等今番

涉降。須擇一最佳勝處。以彰輝映。〔小生〕那邊三株古槐。天挺

奇秀。試爲照臨何如。〔末〕妙極。正是三公喬木千年壽。奕葉孫

枝五代榮。〔各倚一槐坐介〕〔合〕

〔嘉慶子〕看古柯疊翠龍勢展。不記當時手種年。何異靈光魯殿。

森瓊樹畫階前。添越蔭玉堂邊。

〔五老東上〕〔二匡君〕〔二姑西山列侍介〕〔合〕

〔江兒水〕五老移仙履。三星合彩躔。山中別有蓬萊院。雲間合有神仙眷。堂前兼有瓊瑤饌。鳳詔銜來光艷。氣轉鴻鈞。不比尋常良宴。〔淨〕天保定爾。以莫不興。〔副淨〕如山如阜。〔丑〕如岡如陵。〔

二雜〕如川之方至。以莫不增。〔末〕如日之升。〔老旦〕如月之恆。〔旦〕如南山之壽。不騫不崩。〔小旦〕如松柏之茂。無不爾或承。〔三星〕多福多壽多男子。〔衆〕共拜三台拱列星。〔白鹿銜芝上中立〕〔雲童暗上介〕〔合〕

〔川撥掉〕朱霞艷護雲芝一朵圓。愛白鹿特地盤旋。〔三星〕盍華簪一班列仙。望香爐凝紫烟。望東林開白蓮。〔合〕

〔前腔〕水飲江西清且漣。人似匡廬壽永綿。奏笙歌一曲延年。〔三星〕大羅天。何殊世間。桂輪秋照几筵。菊花香撲几筵。〔合〕

〔尾聲〕三槐自昔風流擅。今夕三星不在天。都向人間作善緣。〔

衆下雲童舞雲下〕

採樵圖自序

吾郡上饒婁一齋先生。理學名儒。誕育賢女。結配非人。含恨而卒。其墓在江西省德勝門外。河干湮沒已久。予於辛未訪得碑址。先後作一片石。第二碑院本以表之。今復爲採樵圖十二齣傳演本事。蓋題畫以諫阻其夫之亂。故妃之隱志也。終以陽明立功遭忌。學道名山。一唱三嘆。惟解人知之耳。辛丑中秋日。離垢居士書。

紅雪樓逸稿一採樵圖 自序

二

一

採樵圖目錄

第一齣 出閣

第二齣 復衛

第三齣 題畫

第四齣 聽歌

第五齣 召客

第六齣 雙殉

第七齣 誓師

第八齣 密防

第九齣 禽叛

第十齣 勒銘

第十一齣 私葬

第十二齣 學道

採樵圖

鉛山蔣士銓清容填詞

新安江 春鶴亭正譜

維揚羅 聘兩峯校閱

第一齣 出閣

〔商調引子〕〔三臺令〕〔末儒服白鬚上〕笙歌喜溢門闌。秦女將
乘彩鸞。欲別掌珠。難念持踵無娘。痛酸。老夫上饒。夢諒。別號一齋。
幼讀聖書。力求正學。單生一女。許字藩王。今乃出閣之期。且喚
女兒出來訓誨一番。侍兒扶小姐出來。〔婢扶旦上〕自惜千金

體將乘百兩車。承歡無子職。臨去更踟躕。爹爹「未」我兒坐了。
你生長儒門。于歸宗室。那些內則女誡之言。你平日俱能嫻習。
只是王妃內政。與士大夫家大不相同。你且聽我道。

「二郎神」王姬館掌宮幃。要恩周魚貫。舉止言詞存體段。幽嫺貞
靜。競持佩玉鳴鸞。我看寧王蜂目豺聲。不是安靜之人。你默運潛
移。毋怠緩。保家國防他心亂。守牆垣。那踰閑越畔。脚步休寬。「旦」
爹爹。

「前腔」「換頭」心酸。晨昏定省憑誰照管。即便歸寧難久伴。願天
潢浪靜昇平。永絕風湍。「背介」我暗裏尋思。頻扼腕。怕做了髮長

心短黛眉攢。想雙蛾臨鏡。自此難寬。〔下〕
〔內監儀仗。宮女籠燈。鼓吹彩轎同上。〕
〔老旦內監。〕萋爺在上。咱家拜見。〔末〕老公少禮。
〔老旦。〕鸞車到府。請娘娘出閣。〔末〕侍兒扶小姐出來。
婢扶日蓋頭上。拜末入轎。繞場下。〔末〕

〔尾聲〕門楣從此添煩懣。祝暮齒不須延算。但願他臣節天彝兩
下完。〔下〕

第二齣 復衛

〔仲呂〕
〔菊花新〕
〔淨王服引內侍臣上。〕烈士分茆勁旅屯。剪桐
家世舊圭存。龍性本難馴。撫髀肉英雄自忍。浦雲山雨護雄封。派

衍天潢。祀附庸。報道是龍還。不信風雲他日定。相從孤家寧王宸濠。開藩南國。列爵西江。承臞仙放雲之高風。守宗子維城之古訓。昔日誕生之時。先王曾夢從天降一黑蛇。屋角羣鴟朝賀。人云天意難窺。我道皇圖可建。先王得國之初。朝廷賜有護衛雄兵二萬。及徙封西江。因而革去。孤想身無羽翼。焉得飛騰。爲此將金帛買囑錢寧江彬兩個嬖臣。幸得朦朧准奏。于是藏甲再興。舊屯加整。此地有孤心腹二人。一個是致仕都御史李士實。一個是舉人劉養正。他兩個機謀出衆。大有將相之才。方才傳喚敢待到來也。〔中淨冠帶丑儒服上〕上客李致省。私人王

叔文〔中淨〕下官李士實。〔丑〕小生劉養正。〔中淨〕寧王相召
一同進見。〔入介〕李士實劉養正參謁。願吾王千歲。〔淨〕看坐。
〔中淨〕〔丑〕告坐了。〔中淨〕聞得千歲護衛之兵已復。不勝之
喜。〔淨〕便是孤的心事。唯兩君知之。今後呵。

〔漁家傲〕猛士如雲劍戟陳。旆滿龍驤營。添鶻軍。〔中淨丑〕况斗
間王氣龍光隱。是人意天心都肯。幸主上畋遊無度。來往大同宣
府間。難說是朝廷有人。須信道英雄有真。但願得聖壽宜過一萬
春。〔淨〕可恨地方官孫燧許達胡世寧。此三人蠅強自持。不肯依
附于我。前日王守仁又來開府南贛。令孤不能安枕。

〔剔銀燈〕似乳虎耽耽視人。更屢次趨承不遜。暗裏排連犄角陣。
須有日教他齏粉堪嗔。但扶持至尊。管玉石昆岡並焚。當年成祖
獨開疆。〔中淨丑〕須信男兒當自強。〔淨〕且向深山養鱗甲。〔
中淨丑〕會看一口吸西江。〔下〕

第三齣 題畫

〔南呂〕〔生查子〕〔旦引〕簾幙雜花妍。佳日多清宴。笑作劈窠書。
腕力千鈞健。妾身寧王正妃婁氏。性喜臨池。筆慚扛鼎。昨日地方
官送了匾額二塊。求我題寫。一塊是南城門上進賢門三字。一
塊是布政司衙門屏翰二字。侍兒取筆墨過來。〔捲袖染筆就

案介

〔繡帶兒〕將長袖翩翩自捲。高擎筆大如椽。法歐虞意態飛揚。倣顏楊體勢端妍。雙懸精神敢讓鬚眉擅。應不愧書家冠冕。論人才憑誰進賢。佐屏藩要領袖大國南都邦憲。〔老旦〕豎上。〔啓〕娘娘。這是千歲令舉人劉養正畫的採樵圖。要娘娘題詩一首。寫在上面。〔旦〕劉養正乃科目無賴小人。他的畫卷怎好教我品題。〔老旦〕千歲鈞旨。娘娘不便推辭。胡亂寫兩句罷。〔旦〕待我看來。〔前腔〕〔換頭〕山巔翠屏開。層厓疊巘陰森森。喬木隱現挂飛流。雪練逶迤橫細路。鳥道迴旋。你看他夫婦二人。徘徊樵徑。似有相

語之意。俄延危途并歷愁仆偃。要逐步隄防蒼蘚。〔寫介〕婦語夫
今夫轉聽。採樵須是擔頭輕。昨宵雨過蒼苔滑。莫向蒼苔險處行。
咳。寧王呀。你可能三復此詩。便思過半矣。失足便殘生共捐。這微
詞是你做妻房的包藏筆諫。〔老旦〕是。〔取畫下〕〔旦〕咳。我看他
自得護衛之後。言語支離。精神散亂。苟一日舉止顛狂。我夫婦
死無葬身之地矣。

〔三學士〕金甲沈槍朝夕演。佳兵消息昭宣。覆宗絕祀非遠。國破
家亡只自憐。只恐怕不遂樵人偕老願。天潢水自嗚咽。〔洒淚下〕

第四齣 聽歌

〔四農夫簑笠上〕半雨半晴天氣。半村半郭人家。太平時節好桑麻。老瓦盆邊閒話。我們江西省城田家是也。只因婁娘娘愛聽秧歌。在此梳粧台下。開墾良田百畝。白賞我們耕種。每到插秧時候。娘娘便到粧台遊玩。聽唱秧歌。夥計。昨日這幾隴地土耕犁妥當了。你我就栽插起來。〔衆〕有理。〔合〕〔秧歌〕秧田方方似棋盤。路徑分明井字寬。各有田塍做堤界。他家秧好莫偷看。妻來送飯夫耕田。眼前夫妻得團圓。勸郎莫聽旁人說。漂洋雖好怕翻船。

〔仙呂過曲〕〔八聲甘州〕場開碌碡。聽鳴鳩喚雨。望杏瞻蒲。齊民要術。

綠楊陰裏犁鉏。春深水香土脈酥。秋晚租完倉廩儲。歡呼。一聲聲
鳥勸提壺。〔下〕〔旦〕鳳翹團龍廠衣引婢監上。

〔前腔〕〔換頭〕憐渠田家作苦。更關心阡陌沾體泥塗。一行簑笠。
西疇幾幅新圖。侍兒這田歌真好聽也。豳風七月多黍稌。桑柘連
村完嫁娶。含哺。願年年婦子歡娛。我昨日編成秧歌數十首。皆寓
規勸寧王之意。侍兒將此歌詞傳出去。叫農夫好生記熟。一齊一
唱來。〔監〕理會得。〔下〕〔旦〕咳。寧王呀。

〔尾聲〕膏腴尺寸皆吾土。惰農耕稼莫荒蕪。忍令這恆產無端換
田主。〔下〕

第五齣 召客

〔小生巾服上〕白璧應防有玷瑕。遨遊今得到龍沙。一名書畫堪千古。不羨長安食肉家。小生唐寅字伯虎。吳縣人也。叨舉鄉科第一。以事黜革。本無令子。遂棄山妻。家無擔石之儲。座有文章之客。這都不在話下。今被寧王遣書儀逼迫。來到南昌。我想宸濠素有不臣之志。豈可依庇太白柳州前車。可鑒。不免假作瘋顛。全身而去。多少是好。〔對鏡傅粉。脫衣巾。穿女裙衫。一靴一鞋。持拍板介。〕咳。想我唐伯虎乃江南第一風流才子。今作如此舉止。爲天公所戲。亦太苦楚也。

〔仙呂過曲〕

〔醉扶歸〕才名例匿天公忌。冥鴻肯受弋人羈。六翮含風

會高飛。敢隨鷄鶩爭餘粒。漆身吞炭亦何爲。狎狂小試書生智。

下

〔淨引內監上〕掃徑延嘉客。烹茶待雅人。內侍〔丑〕有。

〔淨〕請唐解元來。〔丑下引小生笑舞上〕好大雪呵。〔丑〕解元

這等晴天。那得雪來。〔小生揖介〕長老。你叫我何處去。〔丑〕誰

是和尚。奉千歲爺召你前去。〔小生〕那個千歲爺。就是楚霸王

麼。〔丑〕咳。不好了。這樣子是瘋顛了。怎麼處。且扶他去見千歲

。再作道理。〔入見淨介〕〔小生〕大王萬福。〔淨〕這是唐解元麼。

〔丑〕是。〔淨〕爲何這等舉止。〔小生〕大王不可嫌奴醜陋。聽我

道來。

〔皂羅袍〕你雖有翠黛紅裙難比。我是九天元女內侍瑤姬。大王我會呼風喚雨。你要謀反。我便相助陰兵十萬如何。〔淨〕胡說。〔小生〕願把橫磨萬劍。倚天麾驅使。摩登十部鑾兵鬼。我的兵符現在腰裏。你不信解開我袴子看看。〔跳介〕試看陰符月字。黃巾赤眉。還有茅山巫蠱。花妖黑狸。豆人紙馬。非兒戲。〔解裙仰臥介〕

〔淨〕了不得。快打發他回蘇州去罷。〔雜抬小生〕〔中淨上〕千

歲李士寶參見。〔淨〕都憲坐下。所事如何了。〔中淨〕臣差心腹到鉛山勾通奸人李鎮。帶領劫賊三百人。先將太保費宏祖墳

發掘。後到他府中擄掠一空。

〔前腔〕倉卒如何趨避。做探丸肘篋。恣我施爲。三更席捲已無遺。難移。只剩相如壁。更把松楸砍伐。枯骸亂揮。衣裳搜檢。家人遍答。可恨他雖然是個宰相家中。財貨甚少。想來是個獸子。不會弄錢的。是個當朝一品精窮鬼。〔淨〕只要出了這口氣。那在東西多少。你們且去歇息。明日領賞。〔衆下〕〔淨〕咳費宏呀。我與你是親戚。你竟看我不起。在朝中阻我護衛。在家中却我的禮物。到今日你怎知禍從天降。都是孤家的作用來。

〔前腔〕教你不幸從空飄至。是神差鬼使妙用神機。與你講葭莩。

瓜葛你不遵依。到今日雷霆冰雹難迴避。孤家若登了大位。把你
巢傾卵壞。全家粉齏。才識雲翻雨覆。人情險巇。不怕你彭生伯有
能爲厲。〔大笑介〕好爽快。好爽快。〔下〕

第六齣 雙殉

〔雙調
引子〕

〔搗練子前〕〔隊子引外冠帶上〕投難地撫危邦。綢繆桑

土費隄防。下官孫燧字德成。餘姚人也。名登黃甲。志在青編。由河

南右布政陞授江西巡撫。前任王哲董傑皆被宸濠毒害。下官

慄慄危懼。加意關防。時爲陳說大義。其如怙惡不悛。將來必生

大亂。同官惟副使許汝登忠勇有謀。可圖大事。因而檄進賢南

康瑞州等處。各修城守。又移會湖廣興國等處。繕兵待變。前日宸濠送我棗梨二盤。風使去位。付之不理。今日當入府謝宴。待許副使到來。一同前去。〔隊子引末冠帶上〕

〔搗練子後〕虎尾春冰時在念。敢云燕雀處虛。下官江西副使許達。河南固始人。長身巨口。猿臂燕頤。由山東縣令。屢平巨寇之功。陞授今職。此地寧王素蓄不臣之志。幸得撫台孫公同心防範。尚可支持。來此轅門。不免入見。大人在本道稟揖。〔外〕道台我和你今日去謝寧王壽筵。須婉言勸戒一番。〔末〕是。〔外〕打道往王府去。艱難窺虎穴。談笑踏龍潭。〔淨引內監及武士上〕

孤有形弓設筵當寶鼎開。不似千秋節。衣冠萬國來。孤家宸濠。昨日誕辰。大宴地方各官。意欲挾制他們。共起大事。因笙歌喧鬧。未便提起。今日他們來謝宴。再爲開示便了。〔外末上〕來此已門上的通報。〔雜〕啓千歲。孫許兩爺謝宴。〔淨〕傳他進來。〔外末入揖介〕厚擾瓊筵。不勝醉飽。〔淨〕尚期雕翮共佐飛騰坐了。〔外末坐介〕〔淨〕兩公明敏過人。不知道孤家心事麼。〔外末〕不知。〔淨〕孤聞奸佞盈朝。導引今上游。敗無度。意欲起兵。掃清君側。敢煩二位相助一臂之力。〔外怒立介〕哎呀。孫燧尚在汝敢口出反言。肆行無忌。〔末〕許達只有赤心。焉能從賊。

〔淨〕呸。你等輒敢挺撞孤家。你說孤家不能殺你麼。〔外末〕你能殺我二人。天子能殺汝。明日碎屍萬段。後悔何及。〔淨〕罷了。罷了。

〔風入松〕笑你當車藐爾兩螳螂。掉臂居然相抗。俺有龍泉三尺。難輕放當。明哲保身無恙。看護衛兵雄馬強。你休固執取身亡。左右將二人細起來。〔雜綁外末跳介〕我等爲天子守土大臣。宸濠你敢加害麼。

〔前腔〕親承朝命鎮封疆。敢作仇讎相向。溝渠志士甘心葬。做厲鬼將伊誅攘。〔淨〕你且做厲鬼去罷。左右拏去斬了。〔雜推外末

斬下」〔淨〕拔去眼中二丁。十分爽快。你們多帶軍士。到外面廳上。將御史王金。主事馬思聰。金山參設道黃宏。許効廉。布政使胡廉。參政陳果。劉斐。僉事賴鳳。指揮許金。白昂等。一并下獄監禁。那王綸。潘鵬。梁宸等。皆是我的用人。不許加害。〔雜應下〕

〔淨〕明日拜劉養正。李士實二人爲左右丞相。即日起兵便了。踏虎圈。焚燒豹房。穿一件御袍黃。〔大笑下〕

第七齣 誓師

〔兵卒旗牌引〕〔仲呂過曲〕〔泣顏子〕寒日閃昆吾。一旅親提貔虎。先聲到處。應看拉朽摧枯。下官王守仁。餘姚人也。奉命出撫江

西南贛地方。昨豐城縣令顧泌密報宸濠已反。爲此提兵急下吉安。約知府伍文定協力勤王。〔雜〕伍知府稟見。〔小生三鬚戎裝上〕吉安知府伍文定參見。〔生〕太守少禮。就此一同趨上去。旌旗蔽野。耀神兵。不異天龍部。〔雜〕來到樟樹鎮了。〔生〕吩咐安營待本院祭旗。仗牲醪。昭告靈祇。暴賊罪飛。馳露布。〔設席禮生上祭旗介〕〔生執盞介〕皇天后土。百爾神祇。在上。守仁躬冒矢石。誓不與賊俱生。若有一心。身如此酒。〔洒介〕〔撤席行介〕

〔千秋歲〕共馳驅。雞犬安眠處。王師過。真個如雨。閭井無驚。閭井無驚。渾不似。藤峽金巢門戶。比韓岳軍威著。比李郭人心固。破竹

摧樓櫓。看從天而下。怎樣支吾。

〔尾聲〕甘泉奏捷迴天怒。飲馬江橫南浦。畫一幅緩帶輕裘殺賊圖。

第八齣 密紉

〔北雙調〕〔新水令〕〔旦鳳翹便服上〕朦朧銜尾泊江皋。一叢叢
霜蘆紅蓼。龍旌飛殺氣。刁斗咽寒濤。恁地收梢。婦人身怎生了。我
婁妃不幸作配叛妻。羈身賊舫。你看一天暮色。兩峯漁燈。俺仔
細思量。好不淒苦也。

〔駐馬聽〕篷背蕭蕭。敗葉風來幾番落。窗櫺悄悄。哀鴻霜緊滿汀

號倚薰籠獨坐悶無聊。剪寒燈暗忖。眠難着。殘生劫怎逃。做王妃
却死在這陰平道。那王守仁幼在邊陲。習于兵略。旌旗所指。草木
生威。聞他削平大盜數十處。莫不破卵焚巢。犁庭掃穴。此刻將
到樵舍。看來我夫妻性命。只在頃刻也。

〔沈醉東風〕一霎時烏啼楚幕。那里有魚躍周船。望江東子弟遙
認垓下兵戈繞。走烏騅虞兮誰弔。明白里畫圖難省。環珮空飄。烟
波一棹。有蘭旗桂楫。前來引導。我想沉江之後。屍骸暴露。冠珮無
存。可不玷了奴家遺體也。

〔雁兒落〕便做道玉山頽在雪練飄。誰愛惜這粉粧殘。魚腹飽。怎

遮蓋這無瑕七尺軀。難免那結局千人笑。待兒取針。奩線帖來。
婢應取上。」〔旦〕

〔得勝令〕呀。一任他鳳袞隨波脫。龍裳逐水飄。俺將這八寶針密
密周身絞。五色絲團團遍體撩。誰撈比馬革包還好。偷瞧比桐棺
殮更牢。俺已將衣裙鞋襪。一概縫得緊固。身後橫陳之辱。定可無
慮矣。只是

〔鴛鴦煞〕神牌沒個兒孫抱。靈筵沒個爹娘靠。河上自逍遙。水仙
迎洛神扶。龍女招。小銘旌藉重他。一丈鮫綃。小松楸藉重他。一堆
荇藻。小墳臺藉重他。幾疊波濤。料沒個弄潮人。把十三行寫碑表。

下

第九齣 擒叛

〔生引水兵〕〔商調〕〔水紅花〕雲帆千幅渡江來。雪皚皚浪花高

搖船上

〔過曲〕

矮。不須鵝鴨巧安排。管今夜削平淮蔡。試看崑岡一火玉石等灰

埃。凶魂入水化黃熊也囉。俺王守仁督領水師。追殺宸濠。來到樵

舍地方。你看蘆花似雪。斷港如棋。不免縱火延燒賊艇。定成灰

燼。軍士們將小船三十隻。裝載柴薪油草。順風放火燒去。〔衆〕

得令。〔合〕

〔梧葉兒〕金蛇竄紫電開。赤城標蔽水來。誰能迴避。都無佈擺。助

以風霾波及處不分蝦蟹。〔放火下〕〔淨引兵上〕上不好了。快解纜。躲入小港去。

〔梧蓼弄金風〕人聲哭馬聲哀。齊叫阿歪歪。滿身嘻嘻出出高捧祝融來。火鴉成陣聽差排也囉。〔生引兵上〕混戰禽宸濠介。〔叛首已擒〕就此回舟者。〔衆〕得令。羅收蛟蜃。阱陷狼豺。親縛降王。歌成奏凱。〔下〕

第十齣 勒銘

〔老僧上〕白頭方丈謝紅塵。認取廬山面目真。羅剎金剛□□相談兵。猶有立功人。老僧廬山開先寺住持是也。聽得寧王作

亂未幾蕩平。傳說王安撫要來小山游玩。不免烹茶以待。下

〔生半袍半甲引兵上〕

〔正宮過曲〕

〔傾杯賞芙蓉〕橫江猛士笑投戈。戰罷南康左。一霎裏滅

了烽烟。掃了攬槍。安了閭閻。收了山河。雕弓力挽梁宣鐸。銅柱功

高馬伏波。威名播把丹崖自摩。樹封碑襄陽峴首共巍峨。〔僧小

僧迎接大人。好一座開先古剎也。

〔朱奴剔銀燈〕青玉峽。雙龍尾。挹挂銀潢。直瀉天河。五老挨肩倚

碧落。列屏嶂懸厓如削。〔拔劍介〕此處可以題名。〔刻壁介〕摩挲

勒勳名不磨。護持有山靈擔荷。和尚俺去也。

〔尾聲〕指揮笑把降王縛。一戰教修羅膽落。直待挽九派潯陽爲洗戈。〔下〕

第十一齣 私葬

〔四漁人上〕〔仙呂過曲〕〔醉羅歌〕青絲網得西施出。忍令瓊骨葬江魚。玉匣珠襦已成虛。紙錢村酒聊粗具。〔末〕我等江西省城北門外江岸漁家。昨日網起一屍。珠冠霞帔。認得是婁娘娘身子。大家公議。斂得青錢二十千。買了棺木一具。今早乘殮葬在隆興觀側。又買了一片青石。煩一個秀才官人寫了墓碑。已經豎好。此刻備了羹飯香紙。同去拜奠一番。夥計們走呀。烏鳶螻蛄休戕體。

膚國殤山鬼來供走趨靈旗只在洪州路。這里是了。〔共拜介〕娘
娘呀。迴仙馭走鈿車。對山雲浦月漫踟躇。下。〔生小生巾服上〕
亂定餘雙淚。魂歸認一邱。我們婁氏子弟。因寧王之亂。改姓鍾。
離。近日寄居沙井。聞土人公葬賢妃郭外。是以渡江一拜。

〔皂袍鶯〕馬鬣新堆何處。問隆興觀側。共指城隅。這里是了。〔哭
拜介〕我那娘。娘呀。不能勾羅城十畝化人居。只落得香泥三尺。
漁家土。便是寧王求此尺地。也不能得。坐囚車待藁街懸首。遺臭
在洪都。

第十二齣 學道

「二童持幡二童持香爐引外上」〔雙調〕〔北新水令〕權衡十地理陰陽主冥司收除不爽江山開福地刑賞配天堂人世無常底事多勞攘俺乃幽冥教主地藏王菩薩是也靈威行于十地香火昭于九華照得轉世仙官王守仁削平逆藩宸濠之亂匡耐正德無道聽信左右嬖臣江彬錢寧等煽惑陰忌其功陽增其祿他今日避禍微行到我本山借稱學道息靜菡菴不免化一老僧與他指點一番教他本性不迷令名可保正是妖氛兵可靖羣小謗難弭〔下〕〔生道裝上〕

〔南步步嬌〕九朵青蓮開天上花雨繽紛降泉甘草木香洗淨凡

情拋除塵網。慧劍自光芒。靈臺已覺空諸妄。下官王守仁。孤立可危。羣疑莫避。只得暫時棄簪纓。往尋瓢笠。來此已是九華山了。
〔外僧裝短白髭上〕諸天聞佛語。舉世見婆心。〔見生介〕居士何處來。〔生〕我乃栖霞道士。偶慕名山。雲游到此。何勞和尚動問。〔外笑介〕非也。

〔北折桂令〕你是個宰官身。改換行藏。休倩做世外巢由。方外緇黃。禁不得謠詠雌黃。因此把草服黃冠。暫託徜徉。打不破世緣塵障。苦牽纏利鎖名韁。抵多少功在旂常。銘勒封疆。巴得個不朽聲垂。急煎煎兩鬢如霜。〔生驚介〕呀。和尚我的底裏被你說破。你畢

竟是何處高僧。望乞明示。

〔南江兒水〕慧眼真微妙。禪心豈泛常。箭鋒機快連珠放。降魔杵重橫天降。通靈棒大當頭撞。不是葫蘆依樣。望你指點迷津。免得沉淪波漲。〔外〕居士。

〔北雁兒落帶得勝令〕則你那嫩君王倒了紀與綱。大將軍領看兵將。一謎的擁紅粧。醉豹房。全不肯歸黃屋。排仙仗。呀。外蹲個虎耽耽。跋扈王。內倚着苦唧唧。擎天相。若不是王樞密有主張。只好伴劉娘子終游蕩。金湯雖則是神器。猶無恙。家邦只恐怕官家不久長。〔生〕

〔南僥僥令〕聽他指點言非妄。包藏意費詳。和尚。我待要置個團瓢相倚傍。習枯禪學坐忘。〔外笑介〕早哩。

〔北收江南〕呀。你待把紙窗鑽過。撇花房。開轅門。放倒碧油幢。擁紅爐。喫個芋頭香。改換饒歌歸梵唱。且從容審量。且從容審量。怕蘆花不許你渡寒江。〔生〕和尚是必告我一個歸宿之處。

〔南園林好〕到酒冷燈殘散場。恰漏盡鐘鳴自傷。渴睡漢如何安放。身與世兩茫茫。身與世兩茫茫。〔外〕你看古來功臣上將的結。果可不傷心麼。

〔北沽美酒帶太平令〕念韓彭接踵亡。念韓彭接踵亡。有幾個郭

汾陽向赤松黃石在何方。走邯鄲一晌翻身處。飯才香。便畫你個麒麟形狀。寫你個凌烟模樣。毀鐵券雲陽拋漾。奪個符鬼門。悽愴。恁呵且淹留朝堂廟廊。且隨時俯仰。呀且莫憶山陰道上。居士那邊詔書來了。〔生迴望介〕〔外急下〕〔生〕呀和尚霎時不見我王守仁今日遇仙矣。

〔尾聲〕安危定亂猶翻掌。三不朽古今無兩。只留得五尺孤墳枕夕陽。

梨花開落淑人邱

冠珮英靈在上頭

一片龍沙半江雪

水仙來作步虛游

采石磯自序

才高識短。豎儒耳。太白才傾人主。氣凌宦官。薦郭汾陽。再造唐室。知人之功。雖姚宋何讓焉。後世誦其文者。皆以詩人目之。淺之乎丈夫矣。予表文謝兩公忠義後。尙餘墨瀋。乃盡一日填采石磯。雜劇八齣。以見青蓮一生遭逢志節。同聲而哭者。或又破涕爲笑矣。辛丑重九日。清容居士書。

紅雪樓逸稿一采石磯 自序

二

一

采石磯 目錄

第一齣 市逅

第二齣 仙聚

第三齣 醉吟

第四齣 宮妬

第五齣 戍邊

第六齣 村登

第七齣 捉月

第八齣 祭塚

紅雪樓逸稿一采石磯目錄

二

一

采石磯

鉛山蔣士銓清容填詞

新安江 春鶴亭正譜

維揚羅 聘兩峯校閱

第一齣 市逅

〔仙呂過曲〕

〔醉扶歸〕〔小生三鬚巾服上〕曾同海客話瀛洲。又向人

間汗漫游。豪端奇氣不能收。擊劍狂歌一丈夫。散金十萬走江湖。

誰人解重干霄筆。且向高陽作酒徒。卑人李白字太白。乃大唐興

聖皇帝九世之孫也。生應長庚。志耽肥遯。昔年高隱岷山。未膺有

道之舉。曾受知于益州長史蘇廷碩。說卑人可比相如。後客任城。偕孔巢父。韓準。裴政。張叔明。陶沔。居徂徠山。號竹溪六逸。今當天寶初年。好友會稽吳筠。被召入都。因此卑人同到長安。今日無事。不免往市中酒肆取醉一回。咳。你看這都會之地。車馬如雲。風塵滿眼。貴賤奔馳。賢愚雜沓。何處得一知己。好悶人也。看了他高車駟馬相馳驟。步青雲有路。漫夷猶。怕九閭虎豹難將就。〔下〕〔末滿鬚巾服上〕

〔醉羅袍〕宗雷談柄儘風流。六典書繁與撰修。文章鮑謝幾人留。詩壇酒社聊迤逗。下官賀知章。字季真。越州人也。官拜集賢學士。

修書餘暇。天市微行。你看人海喧喧。塵容碌碌。眼中無復有奇士
矣。榮名標榜。虛聲可羞。冠裳忝竊。真才漫求。三千薦牘。多顏厚。
〔小生上〕大笑書驢券。長歌醉狗屠。〔見介〕請了。〔末背介〕呀。此
人風標絕世。神采異常。好生古怪。〔轉介〕敢問先生里居姓氏。
〔小生〕卑人李白。先生何許人也。〔末〕敢是太白先生。下官便是
賀知章。〔小生〕原來是季真先生。〔末〕邂逅塵垢。喜逢佳友。此間
有一酒肆。下官欲與先生效班荆之叙。定杵臼之交。未知尊意
云何。〔小生〕正合鄙意。酒家有麼。〔丑〕來了。二位官人請上樓
去。〔末〕請取好酒來。〔丑應取酒上。隨下〕〔對介〕〔末〕聞先生

昔舉有道。何以不應。〔小生〕卑人風月襟懷。烟霞痼疾。但覺魚
鳥親人。未免塵埃軒冕矣。

〔皂羅袍〕俯視膏梁文繡。笑沐猴加冠。鼠穴嬉游。夢中富貴等浮
鷗。墮間歌舞同芻狗。不過是絲牽傀儡。功名草頭。塲翻角觝。魚龍
亂流。到鐘鳴漏盡難尋究。〔末〕聽君議論。真乃謫仙人也。豈復人
間可有乎。

〔前腔〕咳唾從來未有。料君身仙骨。宿世靈修。羨秋旻雕鶚勢優
游。笑逢蒿饑蝨臣凡陋。〔背介〕我不免今夕草成表章。明早入告
天子。看取簪毫朵殿。雲霄上頭。垂紳閭苑。班聯上流。管仙官明日

親除授。暫別了。另日定當奉訪。〔小生〕小生明早自來拜謁。〔合〕
〔尾聲〕緇塵傾蓋青雲友。薦士書成合奏。從今與沈宋陰何共唱
酬。〔分下〕

第二齣 仙聚

〔內侍引外王帽便服入團龍披風上〕

〔仙呂〕

〔奉時春〕謹潔叨居骨肉親。列茅土

天潢特進。恩遇非常。趨陪加禮。座滿當時豪俊。揮翰綺綉揚篇什。

若有神。晚年務置醴。門引申白賓。孤乃汝陽王李璣是也。爲先

皇讓帝之子。今開元天子之姪。眉宇生春。虬髯似戟。學尚貞烈。

勇冠臣僚。惟性喜賓客。向與李白等七人結飲中八仙之遊。今

日孤家主會。內侍各位老爺到時。卽爲傳請。正是座上客常滿。
杯中酒不空。〔下〕〔末淨中淨老旦巾服同上〕

〔唐多令〕詩酒客。正門鄒枚給札頻。兔園風月六時新。〔小生丑
同小旦上〕蓮社竹巾履。共天下士會中人。〔末〕我賀知章。〔淨〕

我張旭。〔中淨〕我焦燧。〔老旦〕我蘇晉。〔小生〕我李白。〔小旦〕

我崔宗之。〔丑〕我李適之。〔末〕請了。汝陽王相召來此已是一

同進見何如。〔丑〕請。〔內侍上〕各位爺來了。大王有請。〔外上〕

倒屣迎嘉客。開樽集故人。〔衆揖介〕承大王相召。某等先此奉

謝。〔外〕內侍看酒。我們就坐了罷。〔列坐介〕〔旁列二凡一置

筆硯一置佛香介〔合〕

〔高平〕〔八仙會蓬海〕霞觴疊引喜觥籌交錯主賓忘分如泉綠

醕毋煩記數杯巡燕泥融蜨飄歌板柳綿吹花生笑暈歡娛準抵
多少雪滿梁園香浮華袞〔淨〕告大王張旭已醉書興發作了〔

外〕內侍拂箋承值〔張執筆書介〕

〔杯底慶長生〕千鈞筆有神看龍跳虎臥相騰引那更舞雪迴風
海鷺鴻唳飛絮垂絲落石崩雲〔外背手觀介〕真神妙也是一妙
天機停頓要什麼枕上聽濤筵前看劍合讓你高排筆陣壓千軍
〔老旦起拜佛介〕

〔入仙會蓬海〕〔換頭〕聲聞普門羣品。任談空說有。誰幻誰真。〔小生疾書介〕詞源萬斛。倒流三峽。驚人。〔小旦舉杯起立介〕倚青天玉樹嶙峋。〔丑拍掌介〕發高論黃河奔迅。〔丑大嚼介〕搖唇吻。掃杯盤。珍錯無餘。老饕偏韻。〔末〕佳會盡歡。臣等告退。〔外〕有慢。我亦朝天子去矣。〔下〕〔衆拱手介〕季真兄請上馬。我等先去也。〔下〕〔末執鞭介〕

〔尾聲〕天街瘦馬騎難穩。怕金井銀牀相近。真箇君須怨醉人。〔下〕

第三齣 醉吟

「丑上」太儀前日暖房來。囑向昭陽乞藥栽。敕賜一窠紅躑躅。謝恩未了報花開。咱家高力士。萬歲爺自召楊娘娘入宮之後。坐雙行並。暮樂朝歡。昨日沈香亭牡丹盛開。命咱往召學士李白前來賦詩。咱想國家大事。有宰相擔承。武備有將軍勾當。平白地設下這個翰林衙門。聚集一班書獃子。擺尾搖頭。咬文嚼字。見了咱們一些三禮貌也沒有。大模大樣。咱家寵壓百僚。司禮六宮。諸王稱爲兄弟。各官拜於下風。偏是這個李白擺開一個大架子。挺着一個酒糟頭。掘着一個醉屁股。直着一個壞嗓子。高力士長高力士短。咱待與他計較。又恐萬歲爺見怪。前日安

祿山封王遊街。他竟倚酒放瘋。一鞭將他打下馬來。萬歲爺也不理論。咳。萬歲爺呀。他那幾首臭詩。還是安得邦定得國。你却希罕他則嗎。可恨咱家念書不深。若是諳得上幾句來。也不受這樣狗氣。方才到他寓中。遍尋不見。他家童兒說。想是在酒肆中。又攘那黃湯去了。呀。那邊踉踉蹌蹌來的。不是他嗎。哪。哪。哪。紗帽歪着。員領披着。真真道地一個混帳行子。什麼謫仙人。大才子。咱家實在瞧他不起。怎麼說是鮮的來。〔童扶小生上〕

〔南〕〔懶畫眉〕臣是人間酒中仙。愛向長安酒肆眠。舉觴白眼望青天。百篇書就霜豪健。天子呼來不上船。〔丑〕李先兒。萬歲爺同

楊娘娘等着你哩。你在那里。嗑得稀醉。是甚麼樣兒。快吃包解酒藥。啐好走。〔小生〕高力士。〔丑〕呸。什麼東西。〔小生〕老爺今日有些酒意。你看我已有了冠帶。就此同你入朝去罷。〔丑〕咳。遭他娘的殃。咱家待罵他兩句。又怕他要起義來。不是好纏的。罷呀。你快走罷。〔小生笑介〕高力士。〔丑〕呸。〔小生〕

〔前腔〕我落紙文章妙雲烟。一代奇才聖主憐。你不過奴僕之流。豈知文人貴重。自古來安邦定國盡英賢。宦官宮婢元卑賤。〔丑〕噫。你看我穿的是緋袍。繫的是玉帶。不比你那秀才官兒大些嗎。你敢如此放肆。〔小生〕高力士。便是你玉帶緋袍值幾錢。〔唱下〕

〔丑〕咳什麼東西兒〔下〕〔生攜旦上〕

〔太師引〕絳帷飄香動長生殿。帶朝酣微醒半眠。覲芳艷差同人面。愛姿容一種天然。〔生〕妃子。這牡丹今日一發大開了。是海上蓬萊仙眷。儘長晝鶯捎蝶戀。方才令高力士召李白來。想他必有佳句。看名士傾城自憐。要煩他生花彩筆寫嬋娟。〔丑引小生上〕啓萬歲爺。李白在酒肆中。噎得大醉。奴婢拉了他來候旨。〔生〕真酒仙也。宣進來。〔旦背介〕什麼酒仙。倒是個酒鬼呢。萬歲爺宣你進去。〔小生入拜介〕臣李白稽首。願吾皇萬歲。娘娘千歲。〔生〕平身。亭下牡丹盛開。煩卿立草新詞。被之絃管。〔小生〕臣飲興未闌。

伏乞吾皇賜臣斗酒。以助狂吟。〔生笑介〕高力士取金斗來。念奴斟酒送與他去。〔丑〕咳。業障還要嗑哩。〔小旦〕送酒。〔小生飲介〕
〔小旦〕請學士到堆香几上吟詩。〔小生〕好。高力士這墨淡得緊。你來磨磨。〔丑〕默。你是什麼人。咱與研墨。〔生〕高力士與學士研墨。〔丑〕是。〔怒視研墨介〕〔生〕妃子此詩雖賞名花。實酬國色。你可與學士捧硯者。〔旦〕領旨。〔捧硯介〕請學士揮毫。〔小生〕臣啓吾皇。貴妃乃至尊近侍。臣文學小臣。斷不敢當。〔生〕如此。妃子命念奴代捧罷。〔旦〕多謝學士放免。念奴過去捧硯者。〔小旦〕是。
〔丑〕〔怒視介〕〔小生〕高力士用心磨墨呀。〔丑〕是落寫你的罷。

〔小生〕

〔醉大師〕芊眠春風裁剪。要中含比興。烘染嬌倩。瑤臺麗娟。得君王相對相憐。翩翩歌裙舞袖。舒又卷。共蜂黃蝶粉周旋。與魏紫姚黃並傳。抵多少迴身垂手洛陽天。高力士。這詩箋你與我呈上去。

〔丑〕這行子好快家伙。〔生〕雲想衣裳花想容。春風拂檻露華濃。若非羣玉山頭見。會向瑤臺月下逢。一枝濃艷露凝香。雲雨巫山枉斷腸。借問漢宮誰得似。可憐飛燕倚新粧。名花傾國兩相歡。長得君王帶笑看。解釋春風無限恨。沉香亭北倚欄干。真奇才也。真仙才也。妃子取八寶玻璃盞斟蒲桃酒。與學士潤筆。

「旦」是「送酒介」學士請酒「生跪飲介」「丑氣介」這下子可折死了這酒鬼才好哩「小生」臣蒙皇上娘娘寵賜臣醉矣

「三學士」酒渴嘗嫌滄海淺詩狂欲上青天今日個玉皇香案陪清宴直待要脫帽君前跂脚眠「丑」萬歲爺這李白酤酒失儀如

何使得「生」此亦才人本色正自不妨「丑氣介」「小生」高力

士你扶我一扶免得我行步蹣跚前後偃撐不起玉山顛「丑」

噫你敢要咱家扶你「生」高力士扶學士歸院念奴撒御前金

蓮寶炬送去「同旦下」「小旦」高公公扶起學士來罷「丑」咱

不看萬歲爺面上豈肯攙你這個酒鬼「小生扶丑肩吐介」

丑」咳呀。真臭死了。賸死了我。〔小旦〕高公公耐煩些罷。

〔前腔〕他是個上清班首遭淪貶。偶然謫下青天。昔漢皇讀司馬相如之賦。恨不與其同時。我與你今日得近學士。也是三生有幸哩。〔丑〕惡心死了。我念奴姐。你真個沒見式面。前面大街上。像這樣個的。一日至少有十來個。希罕他。〔小旦〕高公公。不要如此說。可歎他文星借酒聊消遣。不比那俗士鋪糟積過愆。〔小生〕我要進去睡了。高力士與我脫了靴子。〔丑怒介〕怎麼說。你要咱家與你脫靴子。我和你拚了命罷。〔欲打介〕〔小旦攔介〕高公公不可如此。看萬歲爺面上。替他脫了。我們好去覆

旨〔丑〕哎哪。這嘔氣叫我怎生嚥的下。罷約拉他娘罷。〔脫介〕
〔小生大笑介〕妙呀。正是奇氣噴時山岳動。狂歌唱處鬼神欽。
〔下〕〔丑〕念奴姐你斷斷不可向人說咱家的醜約。〔小旦〕這
個自然。〔合〕從今不敢把書生賤。總因俺沒本錢。〔同下〕

第四齣 宮妬

〔永新念奴〕〔仙呂〕〔番卜算〕曲唱荔枝香。樂奏霓裳舞。春眠才
〔引旦上〕

醒午陰移。再把新聲譜。奴家楊氏玉環。蒙今上冊爲貴妃。費盡心
機。製就霓裳之歌。壓倒驚鴻一舞。喜得梅精昨已遷置樓東。無
人爭寵。今奉聖旨。命我將李白清平三調譜入管絃。以便付與

梨園李龜年等學習。午夢初醒。不免細配宮商。仰承聖意便了。
〔桂枝香〕銀箏斜柱。玉簫長句。細安排減字偷聲。合打疊移宮換
羽。似新開鼠姑。似新開鼠姑。低迷欲語。翩翩學舞。疾兼徐。已教月
把梨魂護。更約風將柳絮扶。〔丑〕青蠅能抵隙。貝錦善乘機。娘娘
在上。高力士見駕。〔旦〕高力士。李龜年等霓裳羽衣已經演完。
我今又有新譜。傳與他們學習。〔丑〕敢問娘娘是何新譜。〔旦〕
就是前日沉香亭上所作清平三調。〔丑〕娘娘再休提起那李
白。乃隴西酒徒。蒙恩供奉。前日萬歲爺命娘娘捧硯。奴婢脫靴。
此乃非常寵遇。他却出去誇張說許多無禮言語。說我們宦官

宮妾本是卑賤之人。只合與他承值。在奴婢不足掛齒。娘娘位
冠六宮。才兼四德。他怎敢如此詆毀。〔旦〕呀。不料狂奴竟敢藐
視宮闈。高力士你可打聽他有何瑕玷。告我知道。〔丑〕他近日
與永王璘往還甚密。那永王久蓄不臣之心。酒後狂言。欲取江
南。自立其國。娘娘何不將此語密奏。管教他死不旋踵矣。〔旦〕
此大妙。李白呀。

〔前腔〕我愛你敲金戛玉。雕龍繡虎。枉了你彩筆干霄。却反做蛾
眉遭妬。太輕狂不羈。太輕狂不羈。把才華空負。聰明多誤。看你怎
支吾。休誇廣漢彌衡賦。可惜長沙賈誼書。〔丑〕娘娘。他詩中輕薄。

更不可忍。

〔前腔〕他道名花傾國。又道巫山雲雨。那些兒會向瑤臺。還待要相逢羣玉。看新粧怎生。看新粧怎生。竟比昭儀邪汚。昭陽淫妬。若教免刑誅。恐輕薄尤相效。君臣禮絕無。〔旦怒介〕呀。詩中隱諷。若非你細細解釋。我幾乎付與樂工歌習。咳。賊子呀。你文章殺身。皆由自取。莫怪奴家毒手也。

〔前腔〕殺身何補。輕生難贖。彩屏張孔翠含凶。羅網布蛛絲偏毒。歎華亭鶴鳴。不見楊修。膺絕龍門遭腐。漫踟躕。教你鬼唱秋墳冷。鶻啼蜀道孤。高力士未可洩漏此語。〔丑〕奴婢怎敢。〔旦〕正是方

春雨急叢芳隕〔丑〕入夜霜飛弱草枯〔下〕

第五齣 戍邊

〔淨末創子上〕寒空今日落文星。星落文留萬古名。誰向平原
陳葬禮。悲風吹雨濕銘旌。我們創子手。今日奉旨處斬李白。咳
蒼天呀。這李學士只會吟詩喫酒。那裏會幹那亂臣賊子的勾
當。想是前生冤業。大數難逃。時辰將到。夥計須索扶他到法場
去者。呢。犯官走動。〔小生囚首綁大笑上〕呵呀。不料我李白今
日下場頭。這等洒落也。

〔商調
過曲〕

〔二郎神〕平生我向刀頭飄然一過。蒼天呀。蒼天呀。你笑

收拾才人渾未妥。人皆欲殺長庚。壽爺無多。將這朶青蓮開向火。
欲生天。恁般附和。〔淨〕這是雲陽市中了。攪行些兒。〔小生〕步還
挪。算青燐碧血。中有酒人麼。〔淨〕爺囚筵在此。請用三杯御酒。
昇天罷。〔小生〕好。我李白一生嗜酒。今日領受這盞送終湯。一
連飲三盃介。〔乾〕〔大笑介〕

〔前腔〕〔換頭〕顏酡。雲陽痛飲。觥籌寡和。比對月三人風味。左記
彤墀。浮白君前。袍笏婆娑。念平日斗酒沾唇。詩稿脫。送終篇。今朝
難賦。瞧科。且封侯醉鄉深處。百罰閻羅。〔二旦〕包頭腰裙提籃哭
上。爺爺慢行。兩個孫女兒前來送你也。〔合〕

〔集賢賓〕向刀山劍樹成解脫。只半刻延俄。空有緹縈人兩個。小頭顱替斬容麼。爺爺有酒在此。請飲三杯。〔小生〕好斟上來。〔介〕〔二旦〕你依然洒落。苦沒有螟蛉果贏。天意左。謫仙人恁般結果。〔淨〕時辰已到。替爺去了。這衣領爺的脖子。嫩設設的斷不受苦。〔小生〕削子手。

〔簇御林〕你看強項待斬波。漫吮血把牙磨。長蛇猛虎都經過。憶蜀道猶平妥。〔二旦〕爺爺有何遺言。吩咐孫女們幾句。〔小生笑介〕兒呀。語無多。于歸之後。須索孝公婆。〔軍官上〕奉聖旨。李白黨附逆王。罪大惡極。本應處斬。法無可貸。因郭子儀保奏。姑

念才華出衆。免其一死。着長流夜郎。卽日起身。不許延緩。謝恩。
〔放綁小生拜介〕萬萬歲。〔軍官下〕〔生騎馬上〕太白先生受
驚了。請穿了衣帽。〔小生〕深感令公援救。李白從此雲遊萬里。
不能生入玉門矣。〔生〕先生過慮。將來必定賜還也。

〔琥珀貓兒墜〕天雞啼處。尺一定無訛。望你重侍金鑾珮玉珂。須
將眠食自調和。想子儀昔日臨刑時光景。若非先生保全。焉有今
日經過。嘆盤根錯節。一樣遭磨。恕下官不遠送了。〔小生〕令公
請便。〔生下〕二一解子。上李爺。我們去罷。〔小生〕

〔尾聲〕艱難入蜀情懷惡。喜滇海風平不起波。從此把萬點蒼山

供醉我〔下〕

第六齣 村巷

〔淨〕〔提魚上〕撒網斜陽外。〔丑牧吹笛上〕騎牛曉月邊。〔末農夫上〕荷鋤聽水坐。〔外樵子上〕掃葉帶雲眠。請了。今日前村趙甲錢乙替他兒子娶親。聞得兩個新人。乃是當年李翰林孫女兒。我們各備分金同去賀喜。夥計。他兩家住了一個院子內。我們竟在庭中吃酒罷。來此已是。趙哥錢哥有麼。〔中淨老旦同上〕啣元來四位兄弟。〔淨〕我們各帶賀儀在此。請了。〔丑〕喜酒是要擾的哩。〔中淨〕這個自然。〔外〕這桃花下好就

此帶地坐了罷。〔老旦〕孩子們取酒來。〔雜送酒介〕〔淨〕多謝了。請呀。

〔黃鐘過曲〕

〔降黃龍〕村號朱陳嫁娶人家。喜動桑麻。蘆簾紙閣。卵石

牆邊。一樹桃花。喧譁酒鱗。風細有麥飯魚羹。香滑願明年添丁。一

對孝筍生芽。〔末〕趙哥。聽得你的親家李老爺得罪了高公公。所

以被他譏害。此時在雲南。不知有些消息否。〔中淨〕咳。那得消

息來。〔老旦〕這是天緣前定。若李老爺在家。怎肯與我們小戶

聯姻哪。〔旦〕好呀。〔中淨〕

〔前腔〕〔換頭〕門閥他甲第清華。少什麼貴戚王孫。自聯婚嫁。〔

淨」新人生長富貴人家。只怕受不得如此窮苦。〔老旦〕這個不消多慮。他們呵。釵荆裙布。井臼羹湯。逐件無差。〔中淨〕也是家門中落久了。若是新今跌薄的。便不能如此。憐他牽蘿補屋。把翠袖珠鈿拋亞。畢竟有三從四德。宜室宜家。〔淨〕我們去了。〔中淨〕多有怠慢。莫怪莫怪。〔分下〕

第七齣 捉月

〔龍王引隊子〕〔正宮〕〔南普天樂〕駕鼉梁。驅鯨浪。御雲車。排神仗。水晶簾舊啓鮫宮。魚鱗瓦新蓋龍堂。小神采石磯是也。駕馭冰夷。提封揚子。今日乃上界長庚星返度之期。合在采石磯邊戶。

解爲此率領水仙。前來迎接者。看金星重朗。輝連列宿光。合教
湘妃洛女。護從江鄉。下〔生冠帶引雜上〕花底罷調珠樹鳴。江干間

放木蘭舟。下官當塗令尹李陽冰是也。喜得太白先生。謫滿夜
郎。賜環歸里。愛此江山清美。遂爾淹留。今日秋高氣爽。特備沙
棠。載酒同他江上一遊。左右。請學士出來。〔雜〕學士爺有請。
小生錦袍白鬚上。老悟南華旨。思隨知北遊。銜杯賦秋水。散
髮弄扁舟。大尹兄何事相喚。〔生〕小弟特備樽酒。邀兄作江上
之遊。未知有興否。〔小生〕甚好。〔生〕如此竟請登舟。〔上船介〕

〔小生〕

〔北朝天子〕泛龍津渺茫。逐驅波浩蕩。聽玉簫金管玲瓏唱。鴨頭
新綠似蒲桃春釀。好詩成滄洲曠。陣馬風檣爲甚的多勞攘。楚王
臺那廂。屈原祠這廂。五湖游可要個鴟夷長。〔生〕先生請浮一大
杯。

〔南普天樂〕對江山杯休放。看風煙懷須曠。美聲名望重朝廷。好
文詞運際明良。況秋晴氣爽。冥鴻天半翔。不用燃犀下照。一任荒
唐。〔小生〕大尹兄。想李白今生真是可憐人也。

〔北朝天子〕醉也邪廟堂。苦淒清法場。險些兒一霎殘生喪。說甚
袖染爐烟。身隨天仗。消受那御手羹湯。可也龍巾益益暗勾流年。

賡。莽蕭條夜郎。白瀾漫九江。恨才名把我的顛危釀。呀。看一輪明月。千里澄江。大尹兄。俺待騎鯨捉月去也。〔投江下〕〔龍神水仙繞場導引下〕〔生哭介〕我的太白先生呀。我想他一生豪宕。半世流離。高才奇氣。足以大擊驕王。奴視閹宦。功名雖不自見。而薦舉汾陽。藉成中興大業。今日含笑清流。雖死若生矣。我不免向牛渚磯頭。建造太白酒樓。使千秋萬世之下。景企高風。却不是好。左右。吩咐水手五十名。分頭駕舟撈取李爺尸首。不得有誤。〔雜〕領鈞旨。〔生〕正是。豈有安仁能作誄。空勞宋玉與招魂。〔下〕

第八齣 祭塚

〔外引〕斯人清唱何人和。草徑苔蕪不可尋。一夕小敷山下夢。水如環珮月如襟。下官江南宣歙觀察使范傳正。河南鄧州人也。起家黃中。通籍宏詞。由集賢殿校書郎。歷官此職。我這采石磯邊。東麓之上。向有李陽冰收葬太白先生葬墓一所。近日訪得青蓮兩孫女。嫁在田間。他說令祖當時愛謝家青山。說道我死當藏骨於此地。今求改葬青山。下官只得從命。工已告竣。不免出城到江上祭奠一番。左右打導往謝公山去。

〔黃鐘過曲〕

〔啄木兒〕遷新碣。弔故墟。芳草芊眠人已古。舊游稀不見。

橋公良會杳誰過。黃鱸他醉裏騎魚撒波去。鮑家詩唱秋墳句。今日里有詩誰澆趙州土。
〔雜〕稟爺已到李翰林墓所了。
〔外〕將祭品擺列起來。
〔上香行禮介〕太白先生在上。後學范傳正謹獻三爵。伏惟昭鑒。

〔前腔〕牲牢潔香帛俱看銀浦流雲雙袖舉。把杯時喝月西行。搖筆處呼龍起舞。歎秋眉幾度添新綠。便神仙天上無埋處。
〔奠酒介〕莫道是酒不到劉伶墳上去。
〔內奏樂二幃女引生小生〕
仙官冠帶攜手上。

〔三段子〕滄溟又枯。俊才名高懸太虛。桑田換綠。好詩篇流傳樂。

府。〔小生〕少陵先生。你我生同偃蹇。歿共逍遙。幸登紫府仙班。已覺前塵如夢。范公請了。〔外〕呀。敢問雲中兩仙。是何名氏。〔生〕我杜甫。〔小生〕我李白。〔外〕元來就是二公。下官敢不稽首。羨你詞林合傳。堪千古。想玉樓供職。皆如故。恰似這江上團團貼寒玉。二將神金爪引神官上。奉上帝玉旨。杜甫陞授碧落左侍郎。李白陞授碧落右侍郎。共掌人間才子祿籍。務使文曜舒芒。錢神遁跡。以昭文運。潤色昇平。二生。聖壽無疆。〔奏樂同下〕。〔外〕呀。天府用人量材授官。歷歷不爽。如此我范傳正今日遇仙。好僥倖也。〔雜引二旦上〕稟爺二位李小姐已經請到。

了。二日二大人在上。賤妾等有一拜。〔外〕下官也有一拜。名門淑女。久辱泥塗。忝列有司。不勝慚愧。二日二田家習苦。正自相安。齒及先芬。愈增惶恐。〔外〕請坐下。官奉請。有一言相告。

〔歸朝歡〕清華胄。清華胄。當歸士族。入蓬門。寧堪田婦。名人女。名人女。難乘鹿車。提汲甕。怎親勞苦。二日二妾聞婦人守身如玉。從一而終。豈有改適之理。大人扶植人倫。主持風化。幸勿多言。便金多肯爲秋胡顧。琴調瑟弄也難移柱。須信羅敷自有夫。〔徑下〕〔外〕呀。看他。不別而去。真不愧青蓮後裔。待我將他兩家夫役。永遠捐除罷了。打道回去。正是名媛節比青山固。烈女心。

同白日明〔下〕

紅雪樓逸稿——采石磯

三五

一



莫等閑齋主著

病玉緣傳奇

一册 六角五分

本書是描寫一個花一般美麗鐵一般貞烈的癡病女，與一個窮途末路的青年的一段戀愛故事，她遭受常人不能忍受的痛苦，千里尋夫時的一曲哀歌，就是鐵石人，也會酸心；但她終於得神鬼之助，從九死一生中掙扎過來，得到了夫貴妻榮的美滿結果。文為詞曲體，美妙絕倫，可以上演，可以彈唱。

孟諧傳奇

一册 二角五分

本書用詞曲體，描寫故事六齣：①牽牛——就是齊宣王以羊易牛的故事，②揀虎——就是馮婦打虎的故事，③損雞——就是時遷偷雞的故事，④食鵝——就是陳仲子省母食鵝的故事，⑤烹魚——就是鄭子產放魚的故事，⑥獲禽——就是王良畝好的故事：皆寓意諷刺警惕，發人深省，行文聲韻鏗鏘，百讀不厭。

女才子記傳奇

一册 三角五分

嘯侶著

本書選用戲曲的筆調，描寫宋代女才子蘇小妹，詩妓文娟與學士秦少游的三角戀愛。小妹於合巹之夕，考試丈夫的一幕，真所謂妙人妙事，佳話千古；文娟因愛讀少游詩而鍾情少游，千里傳書，孤芳自守，小妹喬裝戲娟，文娟以真作假，弄得少游有口難辯，幸虧東坡居士，道破玄機，有情人終成眷屬；風流蘊藉，極盡香艷旖旎之致，確是野史中最富風趣的故實，傳奇中具有熱力的佳構。

蝶歸樓傳奇

一册 四角半

古樵道人·今樵道人合著

全書用詞曲譜成，敘述謝招郎與王五妹的一段生死情緣；她是一往情深，他是想思入骨，她雖不耐磨折而香消玉殞，但終於感應鬼神，化蝶歸來，重圓舊夢。事實是可歌可泣，文筆是入神入化。天虛我生譏云「本書可為填詞家的鈔本，可為傳奇家的圭臬，不能作為普通小說看的。」

中華書局發行

詞選

藝蘅館詞選 梁令嫻鈔

本書爲梁令嫻女士稟其尊人任公先生所選各詞家專集手鈔而成，麥蛻翁先生更爲之甄別去取。內容分甲、乙、丙、丁、戊五卷，摘鈔唐、五代、北宋、南宋、清朝及近人詞共六百七十一首，凡前賢批評及任公口授之評語，以及詞之本事有可考見者，皆分別附入，實爲詞學最完善之選本。原書久已絕版，欲購一冊，殊難搜求，偶或覓見，亦非兼金不辦。茲由本局重印發售，海內嗜詞之士，幸勿交臂失之。

中華詞選

孫愷工編
孫怒潮編

本書選集自唐代起至清代止各家詞五百七十四首，共作家二百七十一人，分詞體二百零七種。選輯的要旨：①代表一個時代的作家的代表作；②代表一派的作家的代表作；③無名作家的傑作。內容有抒情、寫景等，以思想清新爲主；形式方面，採取詞句明晰，無含混與故者。讀此可明瞭中國詞學之源流派別，故本書可作詞史讀，亦可作詞學概論讀。可作學校教本及課外參考研究之用。

角二元一 冊一

角三元一 冊一

中華書局出版

0.14

總發行處

分發行處

各埠

中華書局

總發行處

上海福州路

中華書局發行所



印刷者

上海
中華書局印刷所

發行者

中華書局有限公司
代表人 路錫三

校訂者

盧冀野
蔣士銓

民國二十五年十月印刷
民國二十五年十月發行

紅雪樓逸稿 (全一冊)



實價國幣二角

(郵運匯費另加)

標商冊註

